



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會編

上海古籍出版社

清代詩文集彙編 六三六

唐中丞遺集二十七卷（奏稿四卷條教一卷從征圖記一卷文集二卷詩集

一卷制藝二卷里語徵實四卷常甯詩文存十二卷）首一卷 唐訓方撰

一

夢甦齋詩集六卷附海上寓公草一卷 江國霖撰

六五九

唐中丞遺集

光緒辛卯刊
板藏歸吾廬

自古名臣宿將多文武兼資之才如
漢之馬伏波班固遠宋之岳武穆韓
靳王類皆工吟詠善詞章及我

朝中與戡定大亂握兵大臣尤多學

唐中丞遺集

卷首敘

士文人世言灌絳曾文隨陸無武未足
據也嘗唐公藝渠之困於公車也朝
夕佔嗶賣賦都門彼時一文儒書生
耳一旦變起投筆從戎轉戰數千里
掀髯顧盼旁若無人累功擢湖北藩

臬安徽巡撫奇勳懋績赫々照人耳目
而余尤異其接皖時嘗豫捻苗逆紛乘
之會值餉匱兵單之秋獨能左撐右支
卒以殄巨寇而告成功而謗忌者竟以

公未親身赴敵指為詬病而公卒以此

唐李蓮集

卷首敘

二

被議嗟乎封疆大吏要在知人善任調度
協宜耳豈在折衝陷陣與匹夫爭一旦之
命哉昔曾文正與余談論時傑及公稱其
於大端不苟鄂城空虛土匪內訌公匹馬
手刃賊人心以定一也苗逆猖獗公單騎

入其巢開禾順逆苗不敢害二也獨守臨
淮逆寇布置至食芋粥殺戰馬而堅忍
不動三也今公沒十有三年矣讀公遺

疏至餉書援絕時激發忠義慷慨直前
猶淳々有生氣焉公疏若干卷多戰守

唐李蓮集

卷首敘

三

事例摺摺刪附以雜詩若干卷於使後
讀者知豐功鉅業由艱難險阻而成且以
見文人而兼武功天之篤生斯人為不偶也
公舊有觀稼書榜燬於火故稿多散失
光緒辛卯秋姻愚弟陳士杰撰

唐中丞遺集二十八卷

首卷一册

奏稿四卷

條教一卷

從征圖記一卷

文集二卷

詩集一卷

制藝二卷

里語微實四卷

常甯詩文存十二卷

唐中丞遺集 首卷

陳士杰雋丞審定

李元度次青

王闓運王秋

馬振細岱青

賀嘉齡印垣

李次山結甫參閱

門人陳兆文孫石

陳兆蓉芙初

陳兆璜亦漁

陳兆葵復心

唐中丞遺集

方正復溪

張冠冕臣

王良弼蓋宣

呂昉元伯宣

李光宇恪丞

張雲農阜

唐訓坤靜軒

郭樹棠虎臣

胡瞻紹蘇

唐敏棠夷士

唐中丞遺集 首卷

唐鏡堂佐臣編次

唐敏湘春帆

唐鏡堂佐臣編次

男敏真

準經

校刊孫澤蔭

詩觀

詩聖

詩潮

詩永曾孫杜房全校

詩韓

詩傑

詩超

詩傑

禮庭

禮隆

禮修

禮安

禮植

禮欽

三

唐中丞遺集首卷目錄

鄂撫請入名宦祠疏

禮部請入名宦祠疏

神道碑

墓誌銘

行狀

唐中丞遺集

首卷目錄

湖北巡撫臣邵亨豫謹

題爲詳請具題事據湖北布政使藩屬按察使王大經會詳稱據武昌府知府方大湜轉據江夏縣知縣鍾廷瑞詳據湖北在籍紳士前刑部侍郎雷以誠等呈稱竊故宦唐公訓方湖南舉人咸豐五年從征來鄂奏署襄陽知府歷任至湖北藩司嗣由安徽巡撫降調復

特旨署理湖北臬司旋署巡撫本年二月卒於常甯里第訃聞至楚士庶哀思伏念唐公當鄂城三陷之餘率所部訓字營與湘軍統帥羅忠節自江西轉戰而前克復武漢爲軍務一大轉機嗣復力解襄陽城圍殲夥擒渠奠安全郡又奉派於斬

唐中丞遺集

首卷目錄

黃一帶扼賊上窺且防且剿屯守三年先後戰功俱經隨時陳奏無俟紳等臚陳惟遺愛之孔長爲官書所不紀唐公在楚惠政計有數端而戰績不與焉其在襄陽也擒治書差通賊者四十餘人消患未萌毫無株累駐軍之地耕市相安地方議建生祠抑而不許漢南歌頌歷久弗衰其在勸黃也戰勝後凡所擄獲無論盛寒酷暑必躬自訊明如係被脅難民立即分別備文捐金資送回籍綜計所全活者萬數千人聞者感泣防所修建關卡二十三處佈置周密厥後十餘年防捻匪者猶賴其利咸豐十一年二月在藩司任內髮逆由英霍上犯直趨滿口省會戒嚴不逞之徒相聚於城中搶掠公

聞報馳往手刃劫賊數人強暴斂迹復募木鐸水手授以訓
字營號衣旗幟助守城箱人心大定至今街談巷議述其策
馬獨出時猶勃勃有生氣焉至其歷任台司洞悉民隱知無
不爲教養兼籌措施允當楚民痛定思痛僉謂公實心實政
宦跡昭彰不忍聽其湮沒查例載有功德於民與捍災禦患
者同在祀典茲唐故宦在楚惠政深人民心家戶戶祝紳等
博稽眾論開呈實在政迹出具甘結聲明該故宦子孫並無
現任九卿及由九卿降調休致之人呈乞轉詳入祀楚省名
宦以光祀典等情由縣查明造具事實清冊資府遞加印結
詳司由司詳請具題等情呈詳到臣該臣看得前署湖北巡
撫故宦唐訓方桂籍蜚聲柳營著績既開藩於鄂渚旋持節
於皖江學富韜鈴百戰靖蠻荆之難勛崇筦鑰萬家思羊杜
之恩除蠹吏以安民瘡痍悉定本鴻材而敷治綱紀猶存允
爲一代之良臣宜沐

唐中丞趙鼎

首卷鄂撫奏疏

二

九重之曠典據該府縣查明取造事實冊結遞加印結由司詳請
具題前來臣覆核無異除揭移部科外理合會同湖廣總督

臣李翰章湖北學政臣梁耀樞合詞恭疏具題伏乞

皇上聖鑒勅部覈覆施行臣謹會題請

旨

光緒四年六月初四日奉

旨該部議奏欽此

湖北武昌府江夏縣遵將唐故宦實在政蹟理合造具清冊
呈覈須至冊者

今開

一故宦唐訓方係湖南衡州府常甯縣人由廩生中道光庚
子

恩科本省鄉試舉人大挑二等奉檄帶勇泅陞道員

賞戴花翎奇齊葉勒特伊巴圖魯名號補授湖北糧道陞授按察

使布政使奉

旨署理安徽巡撫旋奉補授安徽巡撫破議降調奉

唐中丞趙鼎

首卷鄂撫奏疏

三

旨署理湖北按察使旋署湖北巡撫

簡放直隸布政使開缺來京旋奉

旨馳赴直隸總統練軍因病請假回籍於光緒二年二月在籍病

故年六十八歲

一故宦由大挑教職奉檄從軍咸豐五年率訓字營與湘軍

自廣信義甯轉戰援鄂克復武漢爲軍務一大轉機湖北當

殘破之區襄陽土匪高二先等糾結捻匪連陷興山穀城光

化竹山及河南鄧州諸州縣遂圍襄陽府城故宦奉檄星馳

赴援一戰解圍連復城鎮又親駐光化訪察內奸盤獲戶書

僞駕王王正字刑書僞軍師廖明鑑及書差逆賊若四十餘

人皆以點名賞勞登時捕獲消息未萌機警英果隨擒擒會
高二先漢南肅清襄人歌思不輟

一故宦自襄陽移軍蘄黃屯守三年前後百戰力遏千餘里
自襄陽以至蘄州建修礮卡二十三處防捻匪甚賴其利
一故宦在襄陽蘄州堵戰之時每遇戰勝賊遁之後遠近難
民始爲賊掠繼爲軍俘恐懼冤苦莫由告訴故宦必躬親訊
問分別男婦捐金資送移文本籍安爲安撫八年中綜計所
全活不下萬數千人其駐軍地方兵民相安移營之日地方
士民羊酒勞送依依不忍別襄陽蘄州議建生祠立碑紀功
曉以例禁抑而弗許民情愛戴歷久不忘

唐中丞遺集

首卷鄂撫奏疏

四

一咸豐十一年二月間賊由英霍上犯直趨潯口洋船駛至
漢口震驚巡撫胡公督兵遠在皖境省城人情洶洶土匪乘
間竊發故宦在藩司任內聞警匹馬出巡手刃劫賊數人內
匪斂迹人心以安數日後大兵回援潯口大捷武漢賴以保
全督部堂官奏稱防守穩固奉

旨從優議敘

一湖北自兵燹之餘文廟書院焚失無存故宦於藩司任內
隨同巡撫胡林翼籌款修復文廟捐廉倡修書院每逢月課
卷必手評引誘後進勤懇無倦並設立節義局關發幽光彰
明節烈尤爲士民所歌頌

禮部謹

奏爲遵

旨議奏事禮科抄出湖北巡撫邵亨豫等題前署湖北巡撫故宦
唐訓方請入祀名宦祠一疏光緒四年六月初四日奉

旨該部議奏欽此欽遵到部並據該撫造具事實清冊咨送前來

臣等查例開各省舉報名宦由部確覈事蹟倘名實不能相

副及僅以人品學問空言虛譽並無實蹟者卽行指駁以杜

冒濫又三品以上大臣身故後題請入祠者由部秉公覆覈

專摺具奏各等語今該撫送到事實冊內開前署湖北巡撫

故宦唐訓方湖南舉人由大挑教職捧檄從軍歷保道員洊

唐中丞遺集

首卷禮部奏疏

五

擢安徽巡撫被議降調旋署湖北巡撫咸豐五年率所部訓

字營與湘軍援鄂克復武漢爲軍務一大轉機時襄陽土匪

糾結捻逆連陷穀城光化及河南鄧州諸州縣圍襄陽府城

故宦星馳赴援一戰圍解連復城鎮又親駐光化訪察書差

通賊者四十餘人皆登時捕獲消息未萌數月之間漢南肅

清嗣移守蘄黃三年前後百戰所修礮卡爲防堵計民賴其

利每戰勝賊運後難民爲俘掠者必躬親訊明分別資送並

移文本籍安爲安撫計所全活不下萬數千人其駐軍處所

兵民相安極稱和戢咸豐十一年賊由英霍上犯直趨潯口

巡撫督兵遠在皖省人情洶洶土匪乘間竊發故宦在藩司

任內聞警出巡手刃劫賊數人內匪斂跡數日大兵回援瀾口大捷武漢賴以保全時兵燹之餘文廟焚失無存故宦隨同巡撫籌款修復捐廉倡修書院每月手評課卷引誘後進勤懇無倦並設立節義局闡發幽光尤爲士林所歌頌等語所有前署湖北巡撫故宦唐訓方請入祀名宦祠之處臣等覈其事跡係屬名實相副謹擬准其入祀名宦祠恭候命下臣部遵奉施行所有臣等遵議緣由謹照例專摺具奏請

旨

光緒四年八月二十五日具奏本日奉

旨依議欽此

唐中丞遺集

首卷禮部奏疏

六

皇清誥授榮祿大夫安徽巡撫直隸布政使唐公神道碑銘

公諱訓方字義渠常甯唐氏曾祖侃縣學生祖恂父棟林並從九品銜三世皆以公貴

誥贈榮祿大夫曾祖妣賀祖妣崔妣胡並

贈一品夫人公生時大夫人夜夢偉男子騎白馬入室性警敏年

十七隸縣庠又五年簞二十人中又十年舉道光庚子鄉試

咸豐癸丑大挑以教諭待銓時粵賊洪秀全等已陷湖北安

徽江南三行省踞江甯爲僞都各屬土寇蠢動曾文正公奉

命督治團防枋水師躬治戰船於衡州檄公督團丁平土寇四年

春文正東征以公典水師副右營二月抵長沙三月賊再上

唐中丞遺集

首卷神道碑

七

犯自湘陰甯鄉陷湘潭文正檄水陸軍剿湘潭而自帥水師四營及陸軍攻靖港時各軍新募賊驟至水戰尤非所習四月朔師潰會湘潭大捷賊卒敗奔公辭水軍權領軍餉所七月湘軍東下公從羅忠節澤南克蒲圻復武昌又從攻興國之金牛堡初新田令施濟練民兵捍寇頗有聲文正檄其子恩寶募新田人五百隨征至是恩寶病歸文正檄公代公曰將與兵不習非計也乃賁遣新田勇而募常甯勇訓練之命曰訓字營隸羅公部下九月公帥訓營規新州壁爛泥灘督隊出偵賊登龍磯以瞰新城賊出千餘人繞襲公後公鞭馬濱園出右鎗系絕賊騎來追公蹠右足以一足躡鎗手短刀

反鬪馳三十里峭目扼山口揮旗賊疑有伏始退比還營三日不能步十月羅軍克田家鎮復蘄州公會羅軍及塔忠武軍於廣濟一戰復其城遂拔黃梅賊退保孔壠驛我軍進次濯港敗悍酋羅大剛是夕賊謀襲大營漏五下公起巡聞刁斗聲不續扶守者大剛已潛薄壘驚而走明日戰孔壠賊悉力拒街口公帥壯士踏肩陟高墉賊仰見旗大駭傷一人後者繼上賊大亂諸軍乘之遂破孔壠十一月會攻九江城不下分兵略湖口屯灰山灰山者當鄱湖出江之口與石鐘山對峙明史○營于口也賊夜來襲壘將踰溝他軍覺以夜不敢救但張火爲聲援公更滅火戒守者屏息以待賊近壘

唐中丞遺集

卷八

九

輒被創賊用火箭燒公帳從容撲滅之竟夕無譁賊技窮不復至然堅壘卒不能下各軍回屯九江會水師大營被襲焚公與羅軍遂從文正入江西矣五年春別賊出婺源陷廣信府公從羅忠節暨李忠武續寶蔣果敏益禮劉大令希洛進剿三月克弋陽興安遂復廣信四月復德興浮梁會賊陷義甯文正檄湘軍進攻六月抵州城賊壁城外鷄鳴鳳凰二山與城賊掎角公營當雞鳴山下賊先來犯公力疾戰督隊先登賊驚潰羅軍乘勝趨城賊大亂遂拔義甯是役也州人獨於雞鳴山下立石書唐公戰勝處項之忠節援武漢以公從九月克通城崇陽羅軍失利濠頭堡再戰公營先進大破賊

遂克蒲圻公時已晉知府

賞換孔雀翎矣湖北巡撫胡文忠來會師進復咸甯公隨文忠壁省城外五里墩當中路羅君屯洪山爲東路別將當西路環城皆賊壘官軍進擣率阻於長濠六年正月元夕公令營卒爲魚龍鎗火之戲輕騎循鮎魚套至藕塘察濠守嚴密惟藕塘恃水不設備越日選壯士宵濟入其牆斬邏者大隊乘之遂奪二大壘是夕公以三百人繞二城門走賊眾數千眾服其善謀五月援賊至豹子海公與將軍迎擊走之會襄陽亂民高二先結捻匪襲鄧州遂圍府城河南上變

唐中丞遺集

卷八

九

馳至斬犯令者一人居民始知有軍令賊自峪山來公急據山南之璩灣市賊遣黨五人詐稱廩生來乞救授以筆不能書斬之明日攻峪山賊敗援賊至又敗之賊回竄樊城公夜渡漢逼城下賊解圍退屯檀溪又追敗之遂復樊城追至呂堰驛賊伏市廛誘我公火其市盡殲之斬僞女將軍宋氏公料賊必繞樊樊城亟請舒軍旋師而已殿明日果與賊遇大敗之賊退屯新野之楊集結捻寇將決死公議以馬軍直進當賊步步軍橫衝當賊馬又敗之賊走光化入房山先是鹽道常恩戰屢敗欲乘勢刷其恥乃止公弗進留屯老河口公斬詐充武弁恣掠者二十五人及逼賊團長吏役姦民六

百餘人遠近肅然眾遂傳唐公先微服至老河口嘗假宿陝西會館云公俯髯偉貌治事得法外意士民畏愛之及去爲立戎政碑常恩追賊至房山不能進賊陷宜昌襄陽戒嚴文忠檄公赴援及賊於南漳一戰敗之以公代理襄陽守七年二月川寇劉尙義破遠安犯宜城文忠慮賊入荆門檄公回援公曰賊陽言趨荆門欲誘我師出使南漳賊襲府城也今當聲言救宜城而急據武安堰遂東行夜半折而南抵九仙觀遇賊賊驍退奔據武安城公進薄之賊迎戰敗明日再戰賊馬甚眾公領隊循山坡橫進繞出賊馬後方戰公馬中礮蹄乃易馬再戰賊敗歸閉城不敢出胡文忠調都統巴揚阿

唐中丞遺集

卷八 詩道碑

十

來濟師巴陰助常恩主招撫下令趣公解圍公不可文忠方徇總督意主聯絡旗兵乃檄公擲禽高二先圖遂解邀二先於疎濤殲其眾二先遁是夜大雪公與舒君約乘雪夜禽之舒亦以書至語合會師進攻二先不戰走遇伏禽之餘黨悉平而巴都統所撫賊復叛於穀城掠郎房保山竹山竹谿保康興山文忠始思公言檄進剿四月賊踞武當山設三屯謀死守公繞出山後會陰雨禱於神雲開乃得進兵據要害合陝兵龍澤厚軍分扼三路五月三日破兩屯銜枚疾進又破其一屯餘賊屯金頂金頂爲真武廟有石城賊憑城轟礮于雨下公曰仰攻傷士卒宜陽退賊無水必汲於五龍池乃可

擊也夜賊果出擊之大潰餘賊乞降斬魁黨二百人襄郡悉定公先以克武漢功擢守巡道至是加按察使銜踰月

詔除湖北督糧道當是時李忠武攻九江急悍曾陳王成合捻寇犯蕪黃以掣我兵公自襄陽赴之甫抵蕪前將敗績賊大至戰於望天畝大雨軍潰退屯黃州賊十萬分道至公與舒君當蕪水之劉公河兩月凡五十餘戰賊退宿松大湖文忠檄公進駐張家埭治礮卡以扼賊衝公審度形勢自蕪州達襄陽界皖豫者千里蕪有山曰四流其下爲大關乃建卡八礮四壘五礮臺七越兩月成賊二萬來攻公帥二千人守之賊困而去先後平賊壘三十有九

唐中丞遺集

卷八 詩道碑

十一

詔賞奇齊葉勒特依巴圖魯賊之犯麻城也官軍併力防之以蕪州委公不復能相救公堅守拒戰凡三挫大湖英山賊并攻克大湖袁端敏甲三時以大僕卿督師臨淮

詔公帥三千人赴援九月奉

詔趣行十月李忠武軍覆三河官文恭疏請公回保楚璽駐軍陳德園十一月禦賊南陽河大捷禽斬千人九年二月公移屯荆橋

詔曾文正會師宿松而陳玉成亦糾黨十餘萬屯潛太十年正月多隆阿鮑超蔣凝學三軍合二萬人攻潛山小池驛以公一軍遏大湖城賊鮑軍當前敵賊日夕環攻死傷山積多公

移已軍入鮑壘俾鮑軍休息而令公移屯於中往來策應甫築壘賊大上公恐其乘多軍也力禦之閱四時之久退輒爲賊躡軍飢壘未就乃退屯新倉是日公以一敗全四軍文忠急檄金君國琛將八千人出山後大捷於潛山之天堂二十五日公會諸軍擊賊羅山衝斬首三千禽渠帥二十有七明日分三道合攻平壘館數百俘斬八千大湖潛山賊並棄城走公以久勞引疾求歸文忠疏請赴糧道任

詔可之視事甫旬日擢按察使乃築長垣六里於魯巷要衝開通東南二湖與百堵關相犄角越數月擢布政使時軍餉欠至二百萬公擇人勸輸選收令釐漕糧嚴報解餉以不匱十一

唐中丞遺集

首卷 神道碑

十一

年夏文忠駐英山病甚賊上犯黃州抵潯口會城兵勇悉出征而英夷輪船適至訛言夷寇相結居民恟懼總督以下家屬盡遷居舟中公步巡城至臬司獄獄囚何何謀破械出聞公至乃止明日亂民直入公署公手刃二人眾懾服莫敢動有頃潯口賊敗去事遂定公威望自是益震皖鄂師臣爭引重公矣皖寇曰捻匪與練總苗沛霖相結前後督師者爲勝保爲袁端敏爲蒙古忠親王僧格林沁勝主撫苗練袁主討而力不足李君續宜移撫安徽力言沛霖反側然不敢直攻苗苗亦不能戰畏湘軍虛名乃陽輸誠於僧王王許之李既爲大言遣五軍分屯潯壽曰久情見勢絀因母喪歸則亟謀

退代者難其人以公長者特舉公自代得

旨命公署安徽巡撫而袁公亦遂連章乞病去公甫受事僧王疏請責成皖撫攻於寇防西南兩路又以苗練力獻城自贖民寇僻居皆令巡撫安輯公募新軍未至乃帥千五百人以九月抵臨淮臨淮防軍萬六千皆袁部賴壽戍兵萬餘則李舊部也僧王既撫苗練意頗抑湘軍曾文正恩啟發微將降學一軍去壽防廬疏言苗練感僧格林沁撫馭之恩不宜以湘軍逼處又檄壽慶衍毛有銘等軍退屯廬江於是李部盡去僧王亦不肯駐壽州盡以屬公公駐臨淮號大營實止二千入號令不出三百里壹以靜鎮處之十月援廬州拒粵寇十一月敗捻酋李成於靈壁又敗之於棗溝二年僧王大破捻賊於渦南

唐中丞遺集

首卷 神道碑

十二

詔公移駐蒙城攻賈圩克之僧軍北行苗沛霖謁公於蒙城公命撤練丁罷私局不從且恣掠公自宿州回臨淮初公疏趣李續宜出統舊部駐廬壽李聞苗練已叛稱疾篤詔補公巡撫公趣僧軍援壽州亦不至或說公曰事勢至此公當誓死而已不宜亟請援援至未必勝不至徒受畏葸名公歎曰吾初將五百人出入鋒鏑今擁萬眾反怯耶兵不從北來愈勝愈蔓延徒清淮渦何益吾極知請援示怯懦然得重兵扼齊豫有裨大局雖重得罪不計也會捻寇粵寇苗練合七

萬人來犯公迎擊逆敗之

詔嘉其調度有方下所司議敘亡何壽州陷公與諸將力保臨淮詔趣僧王及將軍都興阿援淮僧王遣陳國瑞趨蒙城都將軍遣富明阿趨臨淮國瑞號敢戰至則戰而敗富明阿與公論事不合十月僧王親援蒙城公始無前敵憂乃廣設間謀招諸練總反正渠魁張士端降遂取蚌埠復懷遠懷遠復而苗逆老巢傾矣苗逆在蒙城聞失懷遠大驚夜突圍走爲官軍所殺於是下蔡潁上壽州正陽關旬日盡復公平圩勸農斬從賊者七十六人淮甸大安方懷遠之未復也蒙城賊勢盛富明阿密疏言唐某撤英翰軍故賊得合圍事下僧王案問英

唐中丞遺集

首卷 神道碑

十四

軍實屯故壘事盡誣而苗逆又已平王乃以公駐臨淮不援蒙城爲緩急失宜又言報克懷遠未明晰請下吏議

謂以布政使降補三年

命署湖北按察使尋署巡撫六月曾軍拔江甯粵賊平官文恭疏

陳公勲績

詔以畿輔用兵授直隸布政使至則理積欠清交代釐積案八百有奇四年擒匪北犯總督劉公長佑出征僧王戰死河南北大震五年春寇事尤棘公條上便宜六事告總督總督令公自奏

廷議疑督藩有事不相謀或言清交代過於束濕劉公覆奏微言

公精神有不周以謝言者遂奉

旨來京另候簡用劉公尋亦罷官文恭代之疏請以公總理營務兼統練軍守定州七年畿輔肅清文恭疏稱公秉性忠直老成勇往得

唐中丞遺集

首卷 神道碑

十五

旨優敘公乞假省墓歸遂不復出乃立經緯公所以教邑子取文武兼資義也割腴產供其費修家廟置義田建寶塔哺棄兒在官時族人年八十以上者歲有常餼至是仍主雙躡書院以從軍時曾受聘主講席而未就也蒲圻但公知常甯識公童子軍中公官湖北迎至署嚴事之座主周君項流寓安徽王君桂就養直隸皆擁慧郊迎躬上食人以爲美談清泉舉人唐如春與公同下第歸道卒公以藥餌耗其資斧又以所坐簿笨車載樞徒步歸其喪安仁舉人段遇隆居京邸病公已就館辭而出與段同居爲治疾越兩月不起又致其喪歸其篤於師友類此逆光庚子元度與公讀書嶽麓後客京師相與賣文自給咸豐甲寅春元度入文正軍幕公來餞文正余瞥見公握手問近狀公曰將主講雙躡余曰盍從戎王侯將相甯有種耶公曰善余因爲介紹遂偕行然自乙卯夏別公南昌不獲再見公矣公卒預知時日更衣端坐滿酌而逝光緒二年二月丁丑日也年六十有八湖北士民最公治績請記名宦祠大吏以聞

詔曰可配劉氏

封一品夫人以孝行被

旌子鏡心道銜廣東候補知府敏真兵部郎中準經鹽運使銜湖

北候補知府敏正以蔭官光祿寺署正孫幾人曾孫幾人葬

藍江楓樹坪公之子具狀屬文其神道碑乃銘曰

銜鎮火維蜿蜒磅礴哲人挺生降神喬嶽顯允唐公起家以

儒投筆奮挺手砭豺獍饒信囊黃瑀戈疊指斧彼兇吭所當

輒靡惟

帝念功

詔竦監司爾臬爾藩繫鄂安危頒頒泥淖其氛驂驥

唐中丞遺集

首卷神道碑

太

天子有命往綏惟服狼蹙四逼矛漸劍炊公鎮以靜在險如夷蜚

語上騰浮雲蒼狗

天鑒孤忠鄂疆畱守狂獬鋌走三輔慕嚴有

詔趣公于蕃于宣

慈寧召對

天語嗟咨曰二百戰惟予爾知公拜稽首感繼以泣治法兵謀誓

罄臣力有

詔內召畱筦軍符畿甸既清載騁高衢公曰歸與時止則止卻掃

明農釣游舊里旂常節鉞勳在生民揆公志事有蘊未申散

手騎箕山邱華屋淮漢遠黎同聲巷哭藍江宰樹獄辜寢酒

有碑墮淚一字何慙

誥授光祿大夫布政使銜前雲南按察使加四級 賞戴花翎色

爾固楞巴圖魯平江李元度撰文

唐中丞遺集

首卷神道碑

七

皇清誥授榮祿大夫故兵部侍郎都察院右副都御史巡撫安徽

兼提督奇齊葉勒特依巴圖魯唐公墓志銘

並序

公諱訓方字莪渠常甯人也先世自監利來遷世有英賢曾祖侃縣學生員祖恂父諱棟林學行淵懿隱居求志並

贈一品階官公幼沉毅豐頤秀眉初受禮經服膺藝王之學道光

庚子鄉試充舉六紬於禮部書業京師束脩求誨者文卷盈

門義取仁施以周友急清泉唐生安仁段生旅殯不歸舍車

載樞徒步許鄭之郊賣衣供費同時新甯江生以送喪顯名

公之行人莫知也咸豐初軍興大傳曾公食其宏篤版領偏

師攻寇蒲圻興國斬有功以名字號軍爲訓字營營官凡名

唐中丞遺集

首卷墓志銘

大

戰二百收城三十以教諭在軍六年累擢授湖北糧儲道有

詔解軍赴官以勸助勤所部精兵聽擇將代領於是江淮帥臣疏

調自助者月有三四湖北巡撫胡公執奏爾鎮連擢按察布

政使並就鄂臺蒞之以宿威鵠之以雅步屬大帥左次武昌

波蕩督府旦開莫敢晨炊公單馬雙劍手刃反虜出奇設疑

民心大定

穆宗初元淮皖內訌前帥因喪解官薦公爲安徽巡撫督師臨淮

固保肥渦孤軍飢疲躬食半菽煦囑遺黎銀仆元惡僅逾兩

稔復覩大清然後招流亡給牛種將敷富教之政而援軍頓

於湘師浮謗擠公廷議依回

兩宮

詔還湖北署臬使旋守巡撫撓寇北侵亟遷直隸布政使入對

天言召美俄治防河洛讓功於寮羣望缺焉藉公事免官俾領防

務其時羣盜北趨六幕並開主客相踰實賴和輯內外台衡

咸謂宜再典旄鉞聘於康衢行義之志因時舒卷解嚴告歸

幡爾明農其縣有費舍臨乎雙蹲昔年所主講也歸數學筵

仍若布衣鄉人來見亦忘其貴蓋其冲素淵曠夷險一途固

非榮辱所能累已昊不憖遺遐莫忽終年六十有八光緒二

年二月丁丑薨於里第粵以其年閏月丙子葬於縣西藍江

里楓樹坪原遺命省約殯葬振助貧寡自斂至啟錢穀所存

唐中丞遺集

首卷墓志銘

九

濟者老幼數千費逾萬金領縣祖贈道路舉哀以過喪往往

失聲可謂在邦必達在家必達者矣公起家儒門膺祿孔厚

妻子奉養義比上農揆姻師友無德不讎自少爲文章老猶

撰述皆不尙華靡自行其素夫人同縣劉氏以事姑至孝院

司表聞

朝旨褒嘉表樹里門長子鏡心道銜廣東候補知府次敏眞兵部

車駕司主事遷郎中次準經鹽運使銜湖北候補知府次敏

正以蔭爲光祿寺署正早卒鏡心等奉喪吡嘑靡所寄哀閭

運昔同艱難中參賓從悲公德隱於功實過其名乃刻珉九

京以昭幽夜其銘曰

曩我白阜潭原之奧有曠有崇天作靈囿達人應神文武深
純亦第亦爵猶弗竟申林臥虎耿曳杖是甘優游義林虞淵
弭暨幸上之柏居貞是度悠悠漢淮民念斯宅
光緒二年丙子閏五月王闕運謹撰

唐中丞遺集

首卷墓志銘

子

皇清誥授榮祿大夫兵部侍郎都察院右副都御史安徽巡撫兼
提督著湖北巡撫直隸布政使司布政使另候簡用

賞戴花翎奇齊葉勒特依巴圖魯常甯唐公行狀

曾祖侃字夢翼縣學附生

贈榮祿大夫夫人同縣賀氏

贈一品夫人

祖恂字中和從九品銜

贈榮祿大夫夫人同縣崔氏

贈一品夫人

父諱偉林字花圃從九品職

唐中丞遺集

首卷行狀

主

贈榮祿大夫夫人同縣胡氏

贈一品夫人

衡州府常甯縣唐公年六十有八行狀

公諱訓方字執業行九常甯人嘉慶十四年歲次己巳十二

月十二日生於藍江里舍年十七補弟子員二十二食餼中

道光庚子科二十五名舉人考官周頊王桂奇其文以致君

澤民評于朱卷由是顯名與東安葉元桐友善下第南歸有

清泉舉人唐如春偕行道病卒公與元桐并貧乏又以藥餌

盡耗其資斧乃俱徒步以所坐直轅車載柩以其一悉載三

人衣被而從行或躬助推挽日與渡夫店主門卒相爭訴費